



21. maj 2013

Inatsisartut Suleriaasianni § 37 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisut siulittaasua piareersimava ersarissumik paatsoorneqarsinnaanngitsumillu akerliliissalluni politikerit KNR-p tusagassiornermut atatillugu aalajangiineranut akerliullutik siorasaarippata ingerlatsineranut tapiissutinik piiaaniarlutik?

(Inatsisartunut ilaasortaq Palle Christiansen, Demokratesne)

Tunngavilersuut:

1990-mi AG-mi atuarneqarsinnaavoq, taamani Naalakkersuisut siulittaasuata arfininngornerup unnukkuani aaqqissuisoq sianerfigisimagaa naammagittaalliutiginiarlugu ilassinninninnermut atugassanik naalakkersuisut atornerluinerat tusagassiorfiit isornartorsiormassuk. Naalakkersuisut siulittaasuut tamatumunnga atatillugu erseqqissaatigisimavaa, nuna tamakkerlugu aviisinut saqqummersartunut nassiussineranut tapiissut peerniarlugu eqqarsarluni.

Isumaqarlunga qaangiutereersoq, politikerit qunusaarisarnerat imaluunniit kiffaanngissuseqarlutik tusagassiornermut nipangersitsiniartarnerat. Kisianni taamaassimagunangilaq. Sermitsiami qanittukkat atuarparput partiip nutaap aallarteqqammersup siulittaasuata, Naalakkersuisoqatigiinni suleqataasup, KNR siorasaarsimagaa ukiumoortumik ingerlatsineranut tapiissutisiaanik arsaarniarlugu, iluarinnginnamiuk majip ulluisa allaqqaataani oqalugiaammi tigulaariffiqeqarsimanera aamma naammaginnginnamiuk nammineq isummani naapertorlugu partiimi sinniisuisalu illuinnaasiortumik isornartorsiorneqartuarnert.

Ukiorpassuannngortuni ileqquuvoq Inatsisartut KNR-ip ingerlanneranut sinaakkusiisarnerat. Inatsisit, publicservice pillugu isumaqatigiissutit tapiissutillu aqutigalugit. Kisianni politikerit KNR.-p nutaarsiassalerineranut sunnguamilluunniit akuliuttussanngilaq.

KNR kiffaanngissuseqarluni tusagassiornermut, namminerlu aalajangertarlugu qanoq pissaanermik tigummissut isornartorsiortassanerlugit. Tusagassiorfiimmi tamanna suliassaraat nunani demokrati tunngavigalugu ingerlasuni.

Taamaattumik uannut pingaaruteqarpoq – aamma inuiaqatigiinnut tamanut – paasissallugu Naalakkersuisunngorlaat akuliuttussaataannaq kipitinniarneraat uterfigalugulu qangatut tusagassiorfinnik aqutsiniarsarisarneq.

Apeqquutit akeqquneqarput tigusinermit ullut sulliviit naliginnaasut qulit qaangiutsinnagit.